

Headline	Minta TNB jadi lebih pemurah		
MediaTitle	Sinar Harian		
Date	23 Apr 2016	Language	Malay
Circulation	279,000	Readership	837,000
Section	Nasional	Page No	37
ArticleSize	291 cm ²	Journalist	N/A
PR Value	RM 12,768		



Minta TNB jadi lebih 'pemurah'

Pemuda Umno, MBM percaya rakyat akan hormati syarikat korporat itu jika setuju beri rebat khas elektrik

KUALALUMPUR - Pemuda Umno berpendapat Tenaga Nasional Berhad (TNB) akan lebih dihormati rakyat jika mereka menjadi syarikat korporat yang pemurah dengan memberikan rebat khas berikutan fenomena El-Nino.

Exconya, Sheikh Nafiq Alfidous Sheikh And Rahman berkata, pelaksanaan rebat khas itu mungkin boleh dikategorikan sebagai tanggungjawab sosial korporat paling terbaik oleh TNB kerana ia meliputi keseluruhan penggunaannya.

Menurut beliau, cadangan yang diutarakan oleh Naib Ketua Pemuda, Khairul Azwan Harun mengenai rebat khas TNB amat tepat pada masanya ketika rakyat terpaksa menggunakan elektrik lebih dari kebiasaan kerana cuaca panas.

"Saya menyokong sepenuhnya cadangan rebat khas itu dan jika TNB mampu melaksanakannya saya pasti rakyat negara ini akan lebih menghargai sumbangan syarikat korporat itu.

"Sebarang bantuan yang

dihulurkan ketika rakyat dihimpit dengan pelbagai tekanan kos hidup lain pasti akan memberi banyak kelegaan kepada mereka termasuk rebat khas ini," katanya dalam satu kenyataan kepada *Sinar Harian*, semalam.

Sheikh Nafiq yang juga Pengerusi Biro Aduan Komuniti Pemuda Umno berkata, sudah tiba masanya TNB menunjukkan keikhlasan mereka sebagai entiti utama pembekal tenaga elektrik yang tidak hanya mengejar keuntungan semata-mata.

Menurutnya, kenaikan bil elektrik itu secara majoritinya bukan kerana silap negatif pengguna tetapi lebih didorong oleh faktor cuaca semasa.

"Bil naik sebab kita terpaksa guna lebih elektrik kerana cuaca terlampau panas dan bukannya sebab membazir.

"Situasi El-Nino bukan ciptaan manusia tetapi fenomena alam dan ketentuan ilahi," katanya.

Sementara itu, Majlis Belia Malaysia turut me-

nyambut baik cadangan daripada Khairul Azwan yang dilihat sebagai langkah syarikat korporat mengutamakan kebajikan penggunaannya termasuk golongan belia.

Presidennya, Mua'amar Ghadafi Jamal Jamaluddin berkata, kelompok belia berpendapatan sederhana dan rendah pasti akan merasa bebanan bila bil elektrik mereka tinggi akibat penggunaan tenaga lebih dari kebiasaan.

Menurut beliau, dengan kenaikan kos sara hidup sejak kebelakangan ini, peningkatan sedikit perbelanjaan bulanan pasti akan memberi kesan kepada keseluruhan sumber kewangan mereka.

"MBM menyokong penuh cadangan daripada Pemuda Umno agar TNB mempertimbangkan pemberian rebat khas elektrik itu kerana ia bakal membantu meringankan beban pengguna lebih-lebih lagi orang muda yang baru mahu memulakan kehidupan.

"Bagi MBM, mungkin TNB akan melihat angka ke-

untungan mereka akan terjejas sedikit jika diberikan rebat khas ini namun daripada sudut lain syarikat pembekal utama elektrik itu akan menerima penghargaan tinggi

dari pengguna dan rakyat atas 'kemurahan hati mereka," kata.

Jelas Mua'amar Ghadafi lagi, pihak kerajaan juga mungkin boleh memainkan peranan untuk memberi pandangan terbaik kepada TNB dalam cadangan pemberian rebat khas ini dalam konteks Rakyat Didahulukan Pencapaian Diutamakan.

"TNB dan kerajaan dalam dua pihak yang saling berkait antara satu sama lain, jadi jika kedua-dua pihak ini mampu memberikan bantuan terbaik kepada rakyat, pastinya rakyat akan berterima kasih.

"Slogan 'Rakyat Didahulukan, Pencapaian Diutamakan' memberi seribu satu makna kepada seluruh masyarakat yang menjadi pengguna utama TNB dan tulang belakang kerajaan," katanya.



SHEIKH NAFIQ



MUA'AMAR GHADAFI